

M214W: Speculum ecclesiae W (Fragment M/G T9)

1r,1 trehtînes heligen . daz himelrîche
 1r,2 garneten . mit vastene . mit wachene
 1r,3 mit kiuschlicheme lebene . mit diemuote .
 1r,4 mit maniger unsemfte ire
 1r,5 lîbes . unde solten ouch wir unseren
 1r,6 lîp dwingen . von sündesamen werken .
 1r,7 sô gerten wir mînes trehtînes heligen .
 1r,8 unde garneten sîne hulde . unde
 1r,9 genereten di sêle . sancte Johannes des
 1r,10 tac wir hiute begên . der zôch sich
 1r,11 in ein einoete . von den liuten . daz
 1r,12 er sich deste bazzer behüeten mohte
 1r,13 von aller slahte sünden . dâr dechein
 1r,14 mennische mite bewollen mac
 1r,15 werden . des ezzen was ermelich . als
 1r,16 er ez . in der einoete erwerben mohte .
 1r,17 er vermeit den wîn . unde aller
 1r,18 slahte trinken dâ dechein süeze âne
 1r,19 was . sîn gewant daz was unsamfte .
 1r,20 ûze hâre gemachet deme lîbe .
 1r,21 necheine wünne ne habet er in dirre
 1r,22 werlte . al sîn muot . unde sîn gedanc .
 1r,23 was mit gote . daz gotesreht . unde di
 1r,24 goteswarheit . di prediget er armen .

1v,1 unde rîchen . vürsten . unde künigen . unz
 1v,2 an di wîle . daz ime ein küninc .
 1v,3 hiez daz houbet abe slahen . mit sus
 1v,4 getâneme lebene . sô gearnet er daz
 1v,5 himelrîche . unde di gotesgenâde . nû
 1v,6 sehen an uns selben . ob wir dirre
 1v,7 dinge iergen iht begên . alles des
 1v,8 unseren lîp gelüstet . des ne verzîhen
 1v,9 wir mêt niht . sô wir ez verreste bringen
 1v,10 mügen . unde durch disses kurzen
 1v,11 lîbes willen . sô verwirken wir
 1v,12 di êwigen genâde . lieben liute nû
 1v,13 denket . wie kurz dirre lîp ist . wie

1v,14 ungewis er ist . mit wie manigen
1v,15 noeten dise werlt bevâhen ist . unde
1v,16 kêret iuweren muot . von dirre werlte .
1v,17 di wir doch vile unsamfte lâzen
1v,18 sulen . wir wollen . oder ne wollen .
1v,19 nû bevelhet iuch hiute gemeinicliche .
1v,20 deme guoten . sancte Johanne
1v,21 mit lîbe . unde mit sêle . daz er iu helfente .
1v,22 unde wegente sî . ze dem almehtigen
1v,23 gote . daz ir der genâden . niht
1v,24 verstôzen werdet .